


別譯雜阿含經

第六

二百七十六
息六

49517



別譯雜阿含經卷第六

失譯

如是我聞一時佛在優樓頻螺聚落丘連河
岸菩提樹下成佛未久尔時世尊獨坐思惟
而作是念夫人無敬心不能恭順於其尊長
不受教誨無所畏憚縱情自逸永失義利若

如是者衆苦纏集若人孝事尊長敬養畏慎
隨順不逆所願滿足得大義利若如是者觸
事安樂復作是念一切世間若天若人若天
世界若人世界若魔世界若梵世界沙門婆
羅門一切世間有生類中若有戒定慧解脫
解脫知見勝於我者我當親近依止於彼供

養恭敬遍觀察已都不見於世間人天魔梵
沙門婆羅門一切世間有勝於我戒定慧解
脫解脫知見爲我依止復作是念我所覺法
我今應當親近供養恭敬誠心尊重何以故
過去諸佛一切皆悉親近依止供養恭敬尊
重斯法未來現在諸佛亦復親近依止斯法
供養恭敬生尊重心我今亦當如過去未來
現在諸佛親近依止供養恭敬尊重於法亦
時梵主天王遙知世尊在優樓頻螺聚落且
連河岸菩提樹下而作是念觀察世間若天
若人若魔若梵沙門婆羅門一切生類若有
勝我戒定慧解脫解脫知見者我當依止然

都不見有能勝我者又復觀察過去未來現在諸佛悉皆親近依止於法供養恭敬生尊重心我今亦當隨三世佛之所應作親近依止供養恭敬尊重於法時梵主天復作是我當從此處沒往到佛所時梵主天譬如壯士屈申臂頌來至佛所白佛言世尊實如所念誠如所念即說偈言

過去現在諸如來

未來世中一切佛

是諸正覺能除惱

一切皆依法為師

親近于法依止住

斯是三世諸佛法

是故欲尊於己者

應先尊重敬彼法

宜當憶念佛所教

尊重供養無上法

尔時梵王讚歎世尊深生隨喜作禮而去
如是我聞一時佛在優樓頻螺聚落尼連河
側菩提樹下成佛未久佛於樹下獨坐思惟
而作是念唯有一道能淨衆生使離苦惱亦
能除滅不善惡業獲正法利所言法者即四
念處云何名爲四念處耶觀身念處觀受念
處觀心念處觀法念處若人不修四念處者
爲遠離賢聖之法遠離聖道若離聖道即遠
離甘露若遠離甘露則不免生老病死憂悲
苦惱如是等人我說終不能得離於一切諸
苦若修四念處即親近賢聖法者若親近賢
聖法即親近賢聖道若親近賢聖道即親近

甘露法若親近甘露法即能得免生老病死
憂悲苦惱若免生老病死憂悲苦惱如是等
人即說離苦時梵主天遙知如來心之所念
作是念言我於今者當至佛所隨喜勸善思
惟是已譬如壯士屈申臂頃來至佛所頂禮
佛足在一面立白佛言誠如世尊心之所念
唯有一道能淨衆生乃至得免憂悲苦惱時
梵主天即說偈言

唯此道出要

斯處可精勤

欲求遠離苦

唯有此一道

若涉斯道者

如鶴飛空逝

釋迦牟尼尊

逮得于佛道

一切正導師

當以此覺道

顯示於衆生

常應數數說

咸令一切知 生有之邊際 唯願說一道
愍濟諸衆生 過去一切佛 從斯道得度
未來及今佛 亦從此道度 云何名爲度
能度瀑駛流 究竟於無邊 調伏得極得
世間悉生死 解知一切界 爲於具眼者
宣明如此道 譬如彼恒河 流赴於大海
聖道亦如是 佛爲開顯現 斯道如彼河
趣於甘露海 昔來未曾聞 轉妙法輪音
唯願天人尊 度老病死者 一切所歸命
爲轉妙法輪
時梵主天頂禮佛足即沒而去
如是我聞一時佛在舍衛國祇樹給孤獨園

時梵王天於其中夜光明倍常來詣佛所禮
佛足已在一面坐梵王威光照于時會赫然
大明即於座上而說偈言

刹利二足尊

種姓真正者

明行已具足

人天中最勝

佛告梵王言誠如是言誠如是言刹利二足
尊種姓真正者明行已具足天人中最勝時
梵王天聞佛所說踊躍歡喜頂禮佛足於彼
座沒還于天宮

如是我聞一時佛遊拘薩羅國時彼國中有
一阿蘭若住處今時世尊與諸大眾比丘僧
俱在彼止宿於時出尊讚斯住處說阿蘭若

住處法時梵王天知如來遊於拘薩羅與比丘衆止宿阿蘭若住處讚歎阿蘭若住處說阿蘭若住處法梵王天王作是念言我今當詣佛所讚歎隨喜時梵王天即於彼沒譬如壯士屈申臂頃來詣佛所頂禮佛足在一面坐即說偈言

處靜有敷具

應斷於結縛

若不能愛樂

還應住僧中

恒應正憶念

調根行乞食

具足禁戒者

應至空靜處

放捨於怖懼

堅住於無畏

斷除憍慢者

堅心處中住

如是我所聞

不應懷疑惑

一千阿羅漢

於此斷生死

學者二五百

千一百須陀

隨流修正道 終不趣邪徑 不能具宣說
諸道得果者 所以不能施 畏懼不信敬
時梵主天說是偈已頂禮佛足還于天宮
如是我聞一時佛在釋翅迦毗羅衛林與五
百大比丘衆俱皆是阿羅漢諸漏已盡所作
已辦捨於重擔逮得已利盡於後有無復結
使正智解脫復有十世界大威德諸天來至
佛所問訊佛僧于時世尊說於隨順涅槃之
法有四梵身天各作是念今佛在釋翅迦毗
羅衛林與五百比丘僧俱皆是大阿羅漢諸
漏已盡所作已辦捨於重擔逮得已利盡於
後有無復結使正智解脫復有十世界大威

德天來至佛所問訊佛僧世尊為其說於隨
順涅槃之法我於今者當往於彼佛世尊所
時梵身天作是念已即於彼沒譬如壯士屈
申臂頃來至佛所頂禮佛足在一面立時第
一梵身天而說偈言

今於此林中

集會于大眾

是故我等來

正欲觀衆僧

不以不善心

壞僧破和合

第二梵身天復說偈言

比丘誠實心

宜應務精勤

猶如善御者

制馬令調順

比丘亦如是

應制御諸根

第三梵身天復說偈言

譬如野馬被羈繫

拔柱蹋蹙安穩出

諸比丘等亦如是
由尊導師之所調

拔三毒枉斷欲漸
能出是等大龍象

第四梵身天復說偈言

諸有歸依於佛者

人中捨形得天身

時四梵身天各說偈已在於僧中敬心戰慄
作禮而去

如是我聞一時佛在王舍城迦蘭陀竹林時
梵王天於其中夜威光甚明來至佛所尔時
世尊入火光三昧時梵王天作是心念今者
如來入於三昧我來至此甚為_可幸時當尔之
時提婆達多親友瞿迦黎比丘諍舍利弗及
大目連此梵王天即詣其所扣瞿迦黎門喚

言瞿迦梨瞿迦梨汝於舍利弗目連當生淨
信彼二尊者心淨柔順梵行具足汝作是謗
後於長夜受諸衰苦瞿迦梨即問之言汝爲
是誰荅曰我是梵王天瞿迦梨言佛記汝得
阿那含耶梵王荅言實尔瞿迦梨言阿那含
名爲不還汝云何還梵王天復作是念如此
等人不應與語而說偈言

欲測無量法

智者所不應

若測無量法

必爲所燒害

時梵王天說是偈已即往佛所頂禮佛足在
一面坐以瞿迦梨所說因緣具白世尊佛告
梵主實尔實尔欲測無量法能燒凡夫尔時

世尊即說偈言

夫人生世斧在口中 由其惡口 自斬其身
應讚者毀 應毀者讚 如斯惡人 終不見樂
迦梨偽謗 於佛賢聖 迦梨為重 百千地獄
時阿浮陁 毀謗賢聖 口意惡故 入此地獄
時梵主天聞是偈 已禮佛而退

如是我聞 一時佛在舍衛國祇樹給孤獨園
時有二天 一名小勝 善閉梵 二名小勝光梵
欲來詣佛 時婆迦梵見此二梵 即問之曰 欲
何所至 二梵荅言 我等欲往詣世尊 所問訊
禮敬時 婆迦梵即說偈言
四梵字 鶴雀 三梵名為金 七十二五百

名曰為餘毗

汝觀我金色

赫然而明盛

所有威光明

暉光蔽梵天

云何不觀我

乃欲詣佛所

尔時二梵以偈答言

汝今有少光

映蔽于梵天

當知此光色

皆有諸過患

明智得解脫

不樂斯光色

尔時二梵說是偈已來詣佛所頂禮佛足在

一面坐二梵白佛言世尊我等欲來見佛時

婆迦梵因問我言欲何所至我等答言欲詣

佛所時婆迦梵說此偈言

四梵名鶴雀

三梵名為金

七十二五百

名曰為餘毗

汝觀我金色

赫然大熾盛

所有身光明 暉光蔽梵天 云何不觀我

乃欲詣佛所

我等即便說偈答言

汝今有少光 映蔽於梵天 當知此光色

皆有諸過患 智者得解脫 不樂斯光色

佛言梵天實尔實尔彼梵雖復少有光色映

蔽梵天當知光色皆有過患智者解了不應

樂此佛為二梵種種說法示教利喜二梵聞

法歡喜頂禮還于天宮

如是我聞一時佛在舍衛國祇樹給孤獨園

時婆迦梵生於邪見言此處常堅實不壞不

復往來於其生死若有過此不往來者無有

時婆迦梵生於邪見言此處常堅實不壞不
復往來於其生死若有過此不往來者無有
是處今時世尊知婆迦梵心之所念如來今
時譬如壯士屈申臂頃尋即往彼婆迦梵宮
時婆迦梵語佛言大仙此處是常堅實不壞
都無往來若有過此無往來者無有是處佛
語梵言此處無常汝今云何橫生常想此處
敗壞而復橫生不敗壞想此處不定橫生定
想此處往來汝今橫生不往來想更有勝處
都無往來汝便橫生更無勝想時婆迦梵即
說偈言

七十二梵作勝福

悉皆於此而殄歿

一切諸梵皆知我

唯我在此不退沒

今時世尊復說偈言

汝謂為長壽
百千尺羅浮

其實壽短促

我知汝壽命

時婆迦梵說偈答言

婆伽婆世尊

汝智實無盡

過於生老憂

為具眼者說

我先造何業

修何等戒行

在此梵天上

壽命得延長

尔時世尊復說偈言

往昔有群賊

劫掠壞聚落

剝脫繫縛人

大取於財物

汝當于尔時

甚有大勇力

救解於諸人

然復不加害

尋共彼諸人

一劫中修善

慈仁好惠施

復能持戒行

汝於睡及寤

宜憶本所行

又有人乘船

於彼恒河中

惡龍捉船人

盡欲加毒害

汝時為神仙

救濟於彼命

此汝昔日時

修戒之所致

時婆迦梵即說偈言

汝實能知我

壽命之脩短

更有諸餘事

汝亦悉知之

汝光甚熾盛

能蔽於諸梵

靡所不了達

故名婆伽婆

尔時世尊為婆迦梵說種種法示教利喜尋

復於彼沒還于祇洹

如是我聞一時佛在舍衛國祇樹給孤獨園

時有一梵起大邪見而作是言我此處常不

見有能生於我宮况復有能過於我上者尔

時世尊入于三昧從閻浮提沒現於梵頂虛空中坐尊者憍陳如以淨天眼觀於世尊為至何處即知如來在梵頂上虛空中坐時憍陳如亦入是定於此而沒現梵頂上處如來下在於東面

時尊者摩訶迦葉以淨天眼觀於如來為至何處尋知世尊在梵頂上復入此定於此處沒在如來下現梵頂上在於南面

尊者目連以淨天眼觀於如來為至何處尋知世尊在梵頂上即入是定於此處沒現梵頂上處如來下在於西面

時尊者阿那律復以淨天眼觀察如來為至

何處尋知世尊在梵頂上亦入是定於此處
沒現梵頂上處如來下在於北面

尔時世尊告梵天言汝本所見為捨以不復
告梵天汝本心念我不見有能生我宮者況
能出過汝今試觀此等天身容貌光明勝汝
以不時梵白佛唯然已見而今見之斯等光
明昔所不見而今見之斯等光明真為殊勝
自今已後更不敢言此處常恒無有變易佛
告梵天此處無常空不自在佛為彼梵種種
說法示教利喜入如是三昧從彼梵沒還于
祇洹尊者憍陳如摩訶迦葉阿那律等亦為
彼梵種種說法示教利喜亦入是定從彼處

沒還于祇洹唯尊者大目捷連在彼而坐
時彼梵問目連言世尊弟子頗有如汝有大
威德神足者不目連荅言諸餘聲聞亦有如
是威德神足尊者目連即說偈言

牟尼弟子大羅漢

有大威德具三明

得盡諸漏知他心

能現神變化群生

如是聲聞甚衆多

是故汝今宜恭敬

時尊者目連說是偈已種種說法示教利喜
亦入是定從彼梵沒還於祇洹

如是我聞一時佛在拘尸那竭力士生地娑
羅林中
爾時如來涅槃時到告阿難曰汝可
爲我於雙樹間北首敷座于時阿難受佛勅

已於雙樹間北首敷座既敷座已還至佛所
頂禮佛足在一面坐白佛言世尊我於雙樹
間北首敷座所作已竟尔時世尊即從座起
往趣雙樹敷上北首右脇而卧足足相累繫
心在明起於念覺先作涅槃想尔時拘尸那
竭國有一梵志名須跋陀羅先住彼國其年
朽邁一百二十時彼國中諸力士輩供養恭
敬尊重讚歎謂是阿羅漢時須跋陀羅傳聞人
說婆伽婆於今日夜當入涅槃作是念言我
於法中有所疑惑唯有瞿曇必能解釋決我
所疑作是念已即出拘尸那竭往詣娑羅林
尊者阿難在外經行時須跋陀羅見阿難已

即詣其所白阿難言我聞他說沙門瞿曇於
今日中夜當入無餘涅槃吾今須見諮決所
疑阿難荅言梵志佛身疲倦汝今擾惱須跋
陀羅白阿難言我聞如來今日中夜入無餘
涅槃我昔曾聞宿舊仙言若如來至真等正
覺出現於世如優曇鉢華難可值遇我有少
疑思得諮決願聽我見如是三請阿難荅言
莫擾惱佛

今時世尊以淨天耳遙聞阿難遮須跋陀羅
不聽前進佛告阿難莫遮彼人聽其前進隨
意問難時須跋陀羅聞佛慈矜聽今前進踊
躍歡喜即至佛所問訊已訖在一面坐白佛

言世尊我有少疑聽我問不佛言恣汝所問
須跋陀羅既蒙聽許白佛言世尊外道六師
種種異見富蘭那迦葉末迦梨俱賒梨子阿
闍耶毗羅胝子阿闍多翅舍婆羅迦且陀迦
旃延且軋陀闍提子斯等六師各各自稱已
為世尊意為實得一切智不尔時世尊即說
偈言

三十一出家 尔來過五十 推求諸善法
戒定行明達 一切諸世間 不知實方所
况知實法者 若修八正道 能獲於初果
乃至第四果 若不修八正 初果不可知
况復第四果 我於大眾中 說法師子吼

如此正法外 亦無有沙門 及與婆羅門
佛說是時須跋陀羅遠塵離垢得法眼淨時
須跋陀羅整鬱多羅僧合掌向佛白佛言世
尊我今已得過三惡道時須跋陀羅白阿難
言善哉阿難汝獲大利為佛弟子給侍第一
我於今者亦得善利於佛法中願得出家阿
難合掌白佛言須跋陀羅於佛法中願樂出
家今時世尊即告須跋陀羅善來比丘鬚髮
自落法衣著身即得具戒得具戒已即成羅
漢須跋陀羅即作是念我今不忍見於世尊
入般涅槃我當先入須跋陀羅即時先入涅
槃如來於後亦入涅槃今時衆中有一比丘

而說偈言

雙樹入涅槃

枝條遍四布

上下而雨華

續紛散佛上

所以雨華者

世尊入涅槃

釋提桓因復說偈言

諸行無常

是生滅法

生滅滅已

乃名涅槃

時梵主天復說偈言

世間有生類

捨身歸終滅

今者大聖尊

具足于十力

世尊無等倫

今入於涅槃

時尊者阿那律復說偈言

法主意止住

出入息已斷

如來所成就

行力悉滿足

今入於涅槃

其心無怖畏

都捨于諸受

如油盡燈滅

滅有入涅槃

心意得解脫

時衆覩已身毛皆豎佛入涅槃始經七日
時阿難闍維如來右繞說偈

大悲梵世尊

體同真淨寶

有大神通力

火出自然身

千疊用纏身

內外二不燒

如是我聞一時佛在舍衛國祇樹給孤獨園

時有一比丘名曰曠野於其晨朝著衣持

鉢入城乞食食訖洗鉢將欲向彼得眼林中

時魔王波旬作是心念瞿曇沙門今在舍衛

得眼林中其弟子曠野比丘入城乞食食

訖洗鉢收攝坐具將欲往詣於彼林間我當

為其而作擾亂今時波旬化作摩納於彼路

側問曠野言欲何所詣比丘尼答言我今欲

詣閑靜之處今時摩訶納聞是語已即說偈言

一切世間中無有解脫者汝詣空靜處

將欲何所作汝今年盛美不受於五欲

一日衰老至後莫生憂悔

時比丘尼而作是念此為是誰欲惱亂我甚

為欺詐為是人耶是非人乎作是念已入定

觀察知是波旬欲來惱亂即說偈言

世間有解脫我今自證知波旬汝愚鄙

不解如斯跡欲如標利戟陰賊拔刀逐

汝言受五欲欲苦可怖畏欲能生憂愁

欲能生追念欲能生百苦欲是眾苦本

斷除一切受

滅諸無明闇

遂證於盡滅

住於無漏法

尔時波旬而作是念曠野比丘尼善知我心
懊惱悔恨慙愧還宮

如是我聞一時佛在舍衛國祇樹給孤獨園
尔時蘇摩比丘尼著衣持鉢入舍衛城乞食
食訖洗鉢收攝坐具向得眼林魔王波旬作
是念今蘇摩比丘尼著衣持鉢入城乞食食
訖洗鉢收攝坐具向得眼林尔時波旬化作
婆羅門在路側立而作是言阿黎耶欲何所
至比丘尼荅言我今欲詣彼寂靜處尔時波
旬即說偈言

仙聖之所得

斯處難階及

非汝鄙穢智

獲得如是處

時比丘尼作如是念此爲是人是非人乎而

欲惱我入定觀察知是波旬即說偈言

女相無所作

唯意修禪定

觀見于上法

若有男女相

可說於女人

於法無所能

若無男女相

云何生分別

斷除一切愛

滅諸無明闇

逮證于盡滅

住於無漏法

以是故當知

波旬墮負處

尔時彼旬而作是念蘇摩比丘尼善知我心

憂愁悔恨慚愧還宮

如是我聞一時佛在舍衛國祇樹給孤獨園

余時翅舍憍曇弥比丘尼著衣持鉢入城乞
食食訖洗鉢收攝坐具至得眼林坐一樹下
住於天住余時魔王波旬作是心念沙門瞿
曇在於舍衛國祇樹給孤獨園有比丘尼名
翅舍憍曇弥著衣持鉢入城乞食食訖洗鉢
收攝坐具至得眼林坐一樹下住於天住作
是念已化爲摩納欲爲擾亂即說偈言
汝今者何爲 懷憂坐樹下 歔歔而流淚
將不喪子乎 獨處於林中 欲求男子耶
時比丘尼而作是念此爲是誰甚爲欺詐爲
是人耶是非人乎而欲爲我作大擾亂入定
觀察知是魔王即說偈言

我斷恩愛已

無欲無子想

端坐林樹間

無愁無熱惱

斷除一切愛

滅諸無明闇

逮得於滅盡

安住無漏法

以是故當知

波旬墮負處

尔時波旬而作是念翅舍憍曇弥比丘尼善

知我心憂愁悔恨慙愧還宮

如是我聞一時佛在舍衛國祇樹給孤獨園

尔時蓮華色比丘尼於其晨朝著衣持鉢入

城乞食食訖洗鉢收攝坐具并洗足已入得

眼林坐一樹下端坐思惟住於天住尔時魔

王而作是念沙門瞿曇在舍衛國祇樹給孤

獨園蓮華色比丘尼著衣持鉢入城乞食食

訖洗鉢收攝坐具入得眼林中坐一樹下住
於天住我當爲其而作擾亂作是念已化爲
摩納往至其所而說偈言

娑羅樹下坐

如華善開敷

獨一比丘居

汝今坐禪耶

更無第二伴

能不畏愚癡

時蓮華

及即作是念此爲是誰擾亂於

我甚爲欺詐爲是人耶是非人乎入定觀察
知是波旬即說偈言

百千姦僞賊

皆悉令如汝

不動我一毛

故獨無所畏

尔時魔王復說偈言

我今自隱形

入汝腹中央

或入汝眉間

令汝不得見

時比丘屢復以偈答

我心得自在 善修如意定

斷絕大繫縛

終不怖畏汝 我已吐諸結

得拔三垢根

怖畏根本盡 故我無所畏

我今住於此

都無畏汝心 汝軍衆盡來

我亦不怖畏

斷除一切愛 滅諸無明闇

逮得於滅盡

安住無漏法 以是故當知

波旬墮負處

尔時波旬而作是念蓮華色比丘屢善解我

心憂愁悔恨慙愧還宮

如是我聞一時佛在舍衛國祇樹給孤獨園

尔時石室比丘屢於其晨朝著衣持鉢入城

乞食食訖洗鉢收攝坐具向得眼林尔時魔
王而作是念沙門瞿曇在舍衛國祇樹給孤
獨園中有石室比丘尼著衣持鉢入城乞食
食訖洗鉢收攝坐具向得眼林我當爲其而
作擾亂作是念已化爲摩納往至其所而說
偈言

衆生是誰造
衆生何所趣

衆生造作誰

云何名衆生

時石室比丘尼聞是偈已而作是念此爲是
誰甚爲欺詐爲是人耶是非人乎入定觀察
知是魔王以偈答言

衆魔生邪見

謂有衆生想

假空以聚會

都無有衆生

譬如因衆緣

和合有車用

陰界入亦尔

因緣和合有

業緣故聚集

業緣故散滅

斷除一切愛

滅諸無明闇

逮得於盡滅

安住於無漏

以是故當知

波旬墮負處

尔時魔王而作是念此比丘且善知我心憂

愁悔恨慚愧還宮

如是我聞一時佛在舍衛國祇樹給孤獨園
時有比丘名曰鼻噉在舍衛國王園精舍
於其晨朝著衣持鉢入城乞食食訖洗鉢收
攝坐具向得眼林於時魔王而作是念沙門
瞿曇在舍衛國祇樹給孤獨園有鼻噉比丘

屣著衣持鉢入城乞食食訖洗鉢收攝坐具
向得眼林我當爲其而作擾亂作是念已化
爲摩納即於路側而說偈言

誰造於色像

色像造作誰

色像從何出

色像何所趣

時比丘屣聞斯偈已而作是念此爲是誰惱

亂於我甚爲欺誑爲是人耶是非人乎入定
觀察知是魔王說偈報言

色像非自作

亦非他所造

衆緣起而有

緣離則散滅

譬如植種子

因地而生長

陰界諸入等

和合是色像

因苦故生長

因苦故散壞

斷除一切愛

滅諸無明闇

逮得於盡滅

安住無漏法

以是故當知

波旬墮負處

尔時波旬而作是念此比丘尼善知我心憂
愁悔恨慙愧還宮

如是我聞一時佛在舍衛國祇樹給孤獨園
尔時毗闍耶比丘尼從王園精舍著衣持鉢

入城乞食食訖洗鉢收攝坐具至得眼林坐
一樹下住於天住尔時魔王而作是念沙門

瞿曇在舍衛國祇樹給孤獨園王園精舍毗
闍耶比丘尼著衣持鉢入城乞食食訖洗鉢
收攝坐具至得眼林坐一樹下住於天住我
當為其而作擾乱作是念已化為摩納往詣

其所而說偈言

汝今極盛壯 我年亦復少 五欲共歡娛

放意而受樂 何以獨坐此 而不與我俱

時比丘尼聞是偈已而作是念此爲是誰來

惱於我甚爲欺詐爲是人耶是非人乎入定

觀察知是魔王說偈報言

作樂縱歌儻 及餘五欲樂 盡迴用與汝

非我之所宜 人間一切樂 并及天五欲

盡迴用與汝 都非我所宜 我斷一切愛

滅諸無明闇 逮得於盡滅 安住無漏法

以是故當知 波旬墮負處

尔時波旬而作是念此比丘尼善知我心憂

愁悔恨慚愧還宮

如是我聞一時佛在舍衛國祇樹給孤獨園
尔時有一比丘名曰折羅於其晨朝著衣
持鉢入城乞食食訖洗鉢收攝坐具入得眼
林在一樹下正身端坐入於天住尔時魔王
作是念言沙門瞿曇在舍衛國祇樹給孤獨
園中有一比丘名曰折羅於其晨朝著衣
持鉢入城乞食食訖洗鉢收攝坐具入得眼
林中在一樹下坐入於天住我今當往而作
擾乱尔時魔王作是念已化摩納形往至其
所而語之言阿利耶欲生何處比丘言如
我今者都無生處

尔時摩納即說偈言

有生必得樂 生便受五欲

汝受誰教勅

言不用復生

折羅比丘尼說偈報言

生者必有死 衆苦所纏縛

一切苦應斷

是以不求生 具眼牟尼尊

說斯真諦法

苦因生於苦 皆應捨離之

修聖八正道

安隱趣涅槃 世尊教導我

我樂是教法

我證知彼法 是故不樂生

斷除一切愛

滅諸無明闇 逮得於滅盡

安住無漏法

以是故當知 波旬墮負處

尔時波旬而作是念此比丘尼善知我心憂

愁悔恨慙愧還宮

如是我聞一時佛在舍衛國祇樹給孤獨園
尔時憂波折羅比丘居住王園精舍於其晨
朝著衣持鉢入舍衛城乞食乞食已洗鉢洗
足攝持坐具詣得眼林在一樹下正身端坐
入於天住尔時魔王作是念言今瞿曇沙門
在舍衛國祇樹給孤獨園王園精舍有比丘
居名曰優波折羅於其晨朝著衣持鉢入舍
衛城乞食食訖洗足收攝坐具詣得眼林在
一樹下正身端坐入於天住我今當往而作
壞亂作是念已化作摩納即往其所問比丘
居言阿利耶欲何處受身比丘居答曰我都

無受身處

尔時摩訶即說偈言

忉利及炎摩

兜率與化樂

他化自在天

是處極快樂

汝應願樂彼

受於勝妙事

優波折羅比丘
后復說偈言

忉利及炎摩

兜率與化樂

他化自在天

諸處雖受樂

不離於我見

必為魔所縛

世間皆動搖

彼亦歸遷謝

無有諸凡夫

離縛之境界

世間皆熾然

世間皆煙出

離於動搖者

我樂如此處

斷除一切愛

滅諸無明闇

逮得於滅盡

安住無漏法

以是故當知

波旬墮負處

尔時魔王而作此念此比丘尼善知我心憂
愁悔恨慙愧還宮

如是我聞一時佛在舍衛國祇樹給孤獨園
尔時王園精舍有一比丘尼名曰動頭於其
晨朝著衣持鉢入城乞食乞食已洗鉢洗足
攝持坐具詣得眼林在一樹下正身端坐入
於天住尔時魔王作是念言瞿曇沙門在舍
衛城祇樹給孤獨園有一比丘尼名曰動頭
於其晨朝著衣持鉢入舍衛城乞食乞食訖
洗鉢洗足收攝坐具入得眼林中在一樹下
正身端坐入於天住我今欲往而壞亂之作
是念已化作摩納往詣其所語比丘尼言九

十六種道汝樂何道比丘且答言此道我都
不樂介時波旬即說偈言

受誰教剃髮 自号比丘且 不欲樂外道

汝為甚愚癡

動頭比丘且復說偈言

此外諸異道 悉為邪見縛 種種諸見縛

終竟墮魔網 釋種大世尊 無比之丈夫

一切種中勝 降魔坐道場 悉過一切上

諸事皆解脫 能調盡有邊 彼佛教於我

是我之世尊 我樂彼教法 我今知彼已

盡除諸結漏 斷除一切愛 滅諸無明闇

逮得於滅盡 安住無漏法 以是故當知

波旬墮負處

尔時波旬而作是念此比丘及善知我心憂

愁悔恨慙愧還宮

曠野素弥 搜瞿曇弥 蓮華石室 及與毗羅

毗闍折羅 優波折羅

第十名動頭

無趣仙人 汝今喪子 華敷於上 衆生誰造

汝上壯年 欲生何處 何處受身

別譯雜阿含經卷第六

息

羈繫

上居反 漚

七反 焯

媯

一音 剝脫

上必反 靡

彼

反賒

式遮反 肱

珍反 遲

續紛

上 芳

文反 戟

居反 逆

獻

欬

上音

豈

反

下

鼻

喇

知

反力



